



Broj: 02-02-9/24
Lukavac, 03.01.2024. godine

Na osnovu članova 108 i 109. Statuta Općine Lukavac-prečišćeni tekst („Službeni glasnik Općine Lukavac“, broj 5/08 i 1/14), a u vezi sa članom 26. stav 2. Statutarne odluke o organizaciji Grada Lukavac u skladu sa Zakonom o gradu Lukavac („Službeni glasnik Grada Lukavac“, broj: 1/22), člana 92. Odluke o komunalnom redu Grada Lukavac („Službeni glasnik Grada Lukavac“, broj 14/21 i 13/23), a u vezi sa članom 12. Odluke o provođenju Regulacionog plana Lukavac grad „Centar 1 i 2“ („Službeni glasnik Grada Lukavac“, broj: 5/23), Gradonačelnik Grada Lukavac, donosi

PROGRAM UTVRĐIVANJA LOKACIJA ZA ZAUZIMANJE JAVNIH POVRŠINA

Član 1.

Ovim Programom utvrđuju se mogućnosti zauzimanja javnih površina na teritoriji Grada Lukavac (u daljem tekstu: Program) u svrhu postavljanja privremenih građevina montažno-demontažne izvedbe postavljenih privremeno na određenoj lokaciji za potrebe gradilišta, za primjenu odgovarajuće tehnologije građenja, za organiziranje sajмова, javnih manifestacija, političkih skupova, zabavnih parkova i drugih zabavnih aktivnosti, ljetnih i zimskih bašti, tendi, izlaganje robe ispred objekata na tezgama, reklamnih panoa i bilborda i tezgi za prodaju cvijeća, ukrasnih predmeta, čestitki, suvenira i sl. u dane državnih i drugih praznika, te za druge potrebe u skladu sa Programom (kiosci, telefonske govornice, autopraone i slično) i mišljenjem Komisije za potrebe utvrđivanja uslova za postavljanje privremenih objekata (u daljem tekstu: Komisija).

Član 2.

Za privremeno zauzimanje javnih površina u svrhu postavljanja privremenih objekata tipa **kiosk**, određuju se lokacije kako slijedi:

1. Lokacija pored „Gradska pješačka zona“;
2. Lokacija na raskrsnici ulica Branilaca Bosne i Redžepa ef. Muminhodžića;
3. Lokacija na raskrsnici ulica Branilaca Bosne i Armije R BiH;
4. Lokacija u ulici Trg slobode, pored zgrade Gradske uprave Lukavac;
5. Lokacija na raskrsnici ulica Sarajevska i 25. Novembra;
6. Lokacija na raskrsnici ulica Školska i Kulina Bana;
7. Lokacija na trgu „Zlatnih ljiljana“ kod izvorišta „Petrak“;
8. Lokacija u ulici Septembarska;
9. Lokacija u ulici Kule;
10. Lokacija na autobuskoj stanici.



Član 3.

Za privremeno zauzimanje javnih površina u svrhu postavljanja **privremenih objekata montažno-demontažnih mobilnih kućica** za potrebe održavanja javnih manifestacija određuju se lokacije kako slijedi:

1. Lokacija „Gradske pješačke zone“;
2. Lokacija platoa ispred Centra za kulturu;
3. Lokacija platoa ispred Sportske dvorane.

Član 4.

Za privremeno zauzimanje javnih površina u svrhu postavljanja **zabavnih parkova i drugih zabavnih aktivnosti**, određuju se lokacije kako slijedi:

1. Lokacija pored „Gradske pješačke zone“;
2. Lokacija kod JU „Centar za kulturu Lukavac“;
3. Lokacija pored Sportske dvorane;
4. Lokacija parka „Panjići“.

Član 5.

Za privremeno zauzimanje javnih površina u svrhu postavljanja **tezgi za prodaju sezonskog cvijeća, voća i povrća**, u skladu sa članom 58. Zakona o cestama Federacije BiH, određuju se lokacije kako slijedi:

1. Lokacija u ulici Petrak na potezu između izvorišta „Petrak“ i Gradske tržnice,
2. Lokacija u ulici Lukavačkih brigada na potezu između tržnog centra „BELAMIONIX“ i poslovnog objekta „EURO DAM JAS“,
3. Lokacija pored stadiona Jošik, u ulici Bosne srebrene. (Seljačka magaza Bećirović).

Izuzetno iz stav 1. ovog člana, za privremeno zauzimanje javnih površina u svrhu **postavljanja tezgi za prodaju cvijeća, ukrasnih predmeta, čestitki, suvenira i slično u dane državnih i drugih praznika**, u skladu sa članom 58. Zakona o cestama Federacije BiH („Službene novine FBiH“, broj 12/10, 16/10 i 66/13), određuju se lokacije, kako slijedi:

1. Lokacija „Gradske pješačke zone“;
2. Lokacija ispred zgrade Gradske uprave;
3. Lokacija ispred Gradske tržnice.

Član 6.

Privremeno zauzimanje javnih površina u svrhu postavljanja **ljetnih i zimskih bašti, tendi i drugih montažno-demontažnih privremenih objekata i to ispred ugostiteljskih i drugih poslovnih objekata**, moguće je vršiti na lokacijama gdje se nalaze ovi objekti, uz uslove koji su definisani odredbama Odluke o komunalnom redu Grada Lukavac.

Član 7.

Za privremeno zauzimanje javnih površina u svrhu postavljanja **ljetnih i zimskih bašti i tendi, koje nisu locirane uz postojeće poslovne objekte i prostore**, određuju se lokacije kako slijedi:

1. Lokacija „Gradske pješačke zone“;
2. Lokacija ispred TC „Belamionix“;
3. Lokacija ispred objekta Vila „Solvey“.

Član 8.

Privremeno zauzimanje javnih površina u svrhu **izlaganja robe ispred objekata na tezgama**, moguće je vršiti na lokacijama gdje se nalaze ovi objekti, uz uslove koji su definisani odredbama Odluke o komunalnom redu Grada Lukavac.

Član 9.

Privremeno zauzimanje javnih površina u svrhu postavljanja **reklamnih panoa i bilborda**, određivati će se u postupcima izdavanja urbanističkih saglasnosti pred Službom za urbanizaciju, imovinske i geodetske poslove, utvrđivanjem od strane Službe urbanističko-tehničkih uslova za planiranu intervenciju u prostoru i sastavljanju mišljenja (ocjene) o istim, na osnovu kojeg će Služba za komunalne i inspeksijske poslove pristupiti izdavanju rješenja o zauzimanju javne površine za navedenu svrhu.

Član 10.

Izuzetno od naprijed navedenih lokacija, za privremeno zauzimanje javnih površina u svrhu postavljanja privremenih objekata, Komisija može odrediti i druge lokacije ukoliko iste ispunjavaju minimalne urbanističko-tehničke uslove za postavljanje prethodno navedenih privremenih objekata, a pri tome vodeći računa naročito o bezbjednosti učesnika u saobraćaju, podzemnim i nadzemnim instalacijama, uklapanju u okolni ambijent, statičkoj sigurnosti privremenih objekata i drugih tehničkih uslova.

Član 11.

Služba za komunalne i inspeksijske poslove će izdavati rješenja o zauzimanju javnih površina i za ostale namjene koje nisu naprijed navedene uz prethodno pribavljeno mišljenje od strane Komisije.

Član 12.

Ovaj Program stupa na snagu danom donošenja, a objavit će se u „Službenom glasniku Grada Lukavac“.

Član 13.

Stupanjem na snagu ovog Programa, prestaje da važe svi ranije doneseni Programi zauzimanja javnih površina.

Obrađivač:

Služba za urbanizaciju, imovinske i geodetske oslove
Pomoćnik gradonačelnika
Samir Softić, dipl.ing. mašinstva

Gradonačelnik
Dr. Sci. Edin Delić

Dostaviti:

1. Služba za urbanizaciju, imovinske i geodetske poslove x3;
2. Služba za komunalne i inspeksijske poslove x3;
3. Službeni glasnik Grada Lukavac;
4. Evidencija x3;
5. Arhiva.

O b r a z l o ž e n j e

PRAVNI OSNOV ZA DONOŠENJE

Pravni osnov za donošenje Programa utvrđivanja lokacija za zauzimanje javnih površina je odredba člana člana 92. Odluke o komunalnom redu Grada Lukavac („Službeni glasnik Grada Lukavac“, broj: 14/21 i 13/23), kojom je propisano da Program utvrđivanja lokacija za privremeno zauzimanje javnih zelenih površina donosi organ uprave nadležan za poslove urbanizma.

RAZLOG ZA DONOŠENJE

Imajući u vidu činjenicu da su prethodni Programi imali više izmjena i dopuna, te da je iste bilo potrebno uskladiti sa Regulacionim planom „Lukavac Grad Centar I i Centar II“ i Odlukom o njegovom sprovođenju, pristupilo se izradi novog Programa.